



Pou Piblikasyon Imedya: 01/10/2022

GOUVÈNÈ KATHY HOCHUL

GOUVÈNÈ HOCHUL PIBLIYE PWOKLAMASYON KI DEKLARE OKTÒB KÒM MWA SANSIBILIZASYON SOU VYOLANS DOMESTIK NAN ETA NEW YORK

Biwo pou Prevansyon Vyolans Domestik Eta New York la lanse kanpay "Start the Conversation" (Kòmanse Konvèsasyon an), yon kanpay milti-medya pou sensibilize

Desen plak machin mete fen nan vyolans lan revele

Mmoniman istorik ak pon nan Eta yo ap limen an mov samdi swa

Li pwoklamasyon an isit la

Gouvènè Kathy Hochul te pibliye jodi a yon [pwoklamasyon](#) ki deklare oktòb kòm [Mwa Sansibilizasyon kont Vyolans Domestik](#) epi li te anonse lansman 'Start the Conversation (Kòmanse Konvèsasyon an)', yon kanpay milti medya ki vize pou ede Nouyòkè yo soulve pwoblèm enpòtan sa ak moun ki nan lavi yo ak nan kominate yo. Anplis kanpay lan, Biwo pou Prevansyon Vyolans Domestik (Office for the Prevention of Domestic Violence, OPDV) Eta New York la, te revele tou desen plak lisans ki kreye nan patenarya ak Depatman Veyikil a Motè (Department of Motor Vehicles, DMV) Eta New York la, pou onore 30yèm anivèsè ajans lan.

"Eta nou an soti lwen depi jou lè manman mwen t ap defann sivivan vyolans domestik yo, men toujou gen anpil travay ki pou fèt pou ede nou mete fen nan abi ak soufrans ki twòp Nouyòkè te andire padan anpil ane," **Gouvènè Hochul te deklare.** "Pandan tout oktòb la, n ap raple bezwen pou kontinye evolye nan apwoch vyolans domestik ak vyolans ki baze sou sèks la, pou nou ka reponn pi byen ak bezwen sivivan yo ak fanmi yo."

Gouvènè Hochul te bay lòd tou pou limen moniman ak pon sa yo an mov samdi 1ye oktòb la, k ap make kòmansman Mwa Sansibilizasyon sou Vyolans Domestik la:

- One World Trade Center
- Pon Gouvènè Mario M. Cuomo (Governor Mario M. Cuomo Bridge)
- Kosciuszko Bridge
- Batman SUNY H. Carl McCall lan

- Batman Edikasyon Eta a (State Education Building)
- Batman Alfred E. Smith State Office (Alfred E. Smith State Office Building) la
- Empire State Plaza
- Pak Ekspozisyon Eta - Pòtay Prensipal ak Sant Ekspozisyon
- Chit Nyagara (Niagara Falls)
- Pon Franklin D. Roosevelt nan Mid-Hudson
- Tèminal Grand Central (Grand Central Terminal) la - Vyadik Pershing Square (Pershing Square Viaduct) a
- Pòtay Entènasyonal Ayewopò Albany (Albany International Airport Gateway)
- MTA LIRR - East End Gateway nan Penn Station
- Pon Flotan nan Fairport (Fairport Lift Bridge) sou Kanal Erie a

Kanpay 'Start the Conversation' (Kòmanse Konvèsasyon an) vize enfòme Nouyòkè yo pi byen sou kijan pou soulve pwoblèm vyolans domestik ak vyolans sèks la ak sivivan yo ak kijan pou abòde resous ki disponib pou ede yo. Kanpay la ap prezante mesaj sou rezo sosyo ak radyo difizyon nan tout eta a, ansanm ak yon [twous anliy](#) ki gen resous pou ede sansibilize.

Nan kòmansman ane sa, Biwo pou Prevansyon Vyolans Domestik (OPDV) Eta New York te mennen yon sondaj opinyon publik sou 5,000 moun nan tout eta a pou konprann pi byen pèsepsyón publik la sou pwoblèm vyolans domestik yo. Rezulta yo te sijere ke byenke pifò Nouyòkè konfyan nan konpreyansyon yo sou vyolans domestik ak vyolans ki baze sou sèks epi anpil konnen yon moun yo te abize oswa ki nan yon relasyon kontwòl, anpil kwè ke pwoblèm sa yo depann de faktè ekstèn — konsomasyon dwòg oswa alkòl, move kontwòl enpilzyon, oswa pwoblèm kolè — olye desizyon yon patnè ki abizif.

Direktè Egzekitif Biwo pou Prevansyon Vyolans Domestik Eta New York la, Kelli Owens, te deklare, "Pou nou ka santre sou sivivan, enfòme sou twomatis, epi responsab sou plan kiltirèl, nou te oblige tande sivivan yo ak tout Nouyòkè yo sou kisa yo panse ki se pwoblèm lan ak kijan pou rezoud li. Se poutèt sa ane sa OPDV te kòmanse konvèsasyon an epi li te fè sondaj sou 5,000 Nouyòkè pou konnen panse yo. Mwen rekonesan pou sèvi yon Gouvènè ki konprann kisa nou bezwen fè pou mete fen nan vyolan domestik ak vyolans ki baze sou sèks epi ki gen yon angajman inebranlab pou pwoblèm enpòtan sa."

OPDV te anonse tou [desen plak machin 'Mete Fen nan Vyolans Domestik'](#) ke Nouyòkè yo te chwazi pou onore 30yèm anivèsè ajans lan. Desen an ki te kreye nan patenarya ak DMV a, reflete fòs ak rezistans sivivan yo, ak angajman Eta New York pou sipòte yo.

Ou ka achte plak machin nan apati mèkredi 5 oktòb, lè w ale sou [DMV.ny.gov](#). Revni ki soti nan plak yo pral sipòte travay kontinyè OPDV pou mete fen nan vyolans ki baze sou sèks atravè pwogramasyon ak sansibilizasyon piblik la.

Komisè Depatman Veyikil ak Motè Eta New York la, Mark J.F. Schroeder, te deklare, "Twòp nan nou te touche nan yon fason pa vyolans domestik ak vyolans ki baze sou sèks la, epi nou dwe kontinye raple pèp la ke li enpòtan pou pale de sa epi chèche èd si ou bezwen li. DMV kontan pou fè patenarya ankò ak OPDV pou kreye plak lisans "Mete Fen nan Vyolans Domestik" la pou make 30yèm anivèsè OPDV ak pou kontinye fè limye briye pou montre ke New York sipòte sivivan yo."

Gouvènè Hochul kontinye fè fason pou abòde vyolans domestik ak vyolans ki baze sou sèks yon priorite pou administrasyon li a. Bidjè Ane Fiskal 2023 ki te adopte ane sa te sekirize apeprè 90 milyon dola finansman pou vyolans domestik ak pwogram prevansyon agresyon seksyèl epi ede sivivan yo ak fanmi yo.

Nan mwa jiyè a, Gouvènè Hochul te lanse Konsèy Konsilitatif pou Defisyans Entelekyèl ak Devlopmantal yo (Intellectual and Developmental Disabilities Advisory Council) pou ede ogmante aksè nan sèvis kont vyolans domestik yo pou moun ki gen defisyans entelekyèl ak devlopman. Nan sezon prentan an, Gouvènè Hochul te siyen lejislasyon ki elaji pwoteksyon pou viktim vyolans domestik yo nan domèn diskriminasyon kote yo pa te gen garanti anvan, yon priorite pou lejislasyon kle li te pwopoze nan Diskou li a sou Sitiyasyon Eta a an 2022.

Pandan Mwa Sansibilizasyon sou Vyolans Domestik la, OPDV te anonse piblikasyon yon Modèl Politik sou Vyolans ki Baze sou Sèks ak Politik nan Espas Travay la, nan konfòmite ak Dekrè Egzekitif 28 avril 2022 Nim 17 Gouvènè Hochul la. Yo te mande OPDV pou kreye yon politik ki ranfòse pwosedi Eta New York yo pou abòde vyolans domestik ak vyolans ki baze sou sèks ak nan plas travay la.

Vyolans domestik se yon pwoblèm grav ke plizyè santèn milye Nouyòkè ap fè fas - espesyalman fanm yo. An 2020, yo te pibliye plis pase 165,000 òdonans pwoteksyon kont vyolans domestik nan Eta New York. Pandan pandemi COVID-19 la, pwoblèm yo te agrave, avèk apèl nan liy telefonik ijans Eta New York la ki te ogmante a 45 pouzan apeprè depi kòmansman kriz sanitè a.

Komisè Biwo Sèvis Timoun ak Fanmi Eta New York la, Sheila J. Poole, te deklare, "Malerezman, nan sitiayson vyolans domestik yo, souvan gen timoun ki afekte tou. Nou dwe kontinye fè sa nou kapab pou pwoteje epi bay sèvis alafwa a sivivan vyolans domestik yo ak pitit yo. Mwen felisite Gouvènè Hochul dèske li lanse kanpay 'Start the Conversation (Kòmanse konvèssasyon an)' pou ede sensibilize sou vyolans domestik epi enfòme tout Nouyòkè sou kijan yo ka rive jwenn sivivan yo epi ofri yo èd ak sipò."

Direktris Biwo Sèvis pou Viktim (Office of Victim Services, OVS) Eta New York la, Elizabeth Cronin, te deklare, "Biwo Sèvis pou Viktim lan envesti apeprè mwatye nan finansman federal li administre yo nan pwogram kominotè ki sèvi viktim ak sivivan

vyolans domestik yo ak fanmi yo. Pwogram sa yo ki sitiye atravè Eta New York, bay sèvis ak sipò, tankou abri ijans, konsèy nan kriz, defans nan tribunal ak èd legal pou sivil, ki fè yon diferans nan lavi sila yo ki enpakte pa vyolans domestik ak vyolans ki baze sou sèks ak lòt viktим krim yo. Mwen remèsye Gouvènè Hochul ak kòlèg nou yo nan Biwo pou Prevansyon Vyolans Domestik la pou angajman kontini yo pou fè yon diferans nan lavi viktим ak sivivan yo."

Komisè Divizyon Sèvis Jistis Kriminèl (Division of Criminal Justice Services, DCJS) Eta New York la, Rossana Rosado, te deklare, "Vyolans domestik se youn nan krim ki pi difisil pou abòde epi li enpòtan ke nou tande vwa viktим ak sivivan vyolans domestik yo ak vyolans ki baze sou sèks yo. Divizyon Sèvis Jistis Penal la bay finansman ak sipò ki enpòtan pou ajans polis yo, biwo pwokirè yo ak founisè sèvis yo ki nan ban devan travay enpòtan sa. Nou fyè pou rejwenn Gouvènè Hochul ak patnè nou yo ak Biwo pou Prevansyon Vyolans Domestik la pou mete aksan sou pwoblèm sa yo, sansibilize epi demontre sipò nou pou sivivan yo."

Pandan 30 ane ki sot pase yo, OPDV te rete sèl ajans nan nivo kabinè nan peyi a ki devwe a pwoblèm vyolans ki baze sou sèks la. Misyon ajans lan se amelyore repons Eta New York ak prevansyon vyolans domestik ak seksyèl ak objektif pou amelyore sekirite tout Nouyòkè nan relasyon entim yo atravè règleman, pwogram, ak sansibilizasyon piblik. Ki santre sou sivivan, ki enfòme sou twomatis, ki responsab sou plan kiltirèl.

Liy Asistans sou Vyolans Domestik ak Vyolans Seksyèl (Domestic and Sexual Violence Hotline) Eta New York la, bay sipò konfidansyèl gratis, 24/24 epi li disponib nan pifò lang: 800-942-6906 (apèl), 844-997-2121 (mesaj tèks) oswa @opdv.ny.gov (chat). Moun ka ale tou sou www.ovs.ny.gov/connect pou jwenn yon pwogram asistans pou viktим nan kominate yo a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418